



Mackenzie Valley
Review Board



Tuhagakhat Tuhaqtakhaq

Apitilirvik 8, 2022 – Yellowknife, Nunatsiarmi – Nunavumi Avatilikiyin Katimayin/ Avatilikiyin Katimayin

Una Nunavumi Avatilikiyin Katimayin (NIRB) unalu Mackenzie Valley Avatilikiyin Katimayin (Avatilikiyin Katimayin) aglauthimajuk nutaamik Kangiqhidjutaujuq Angiqatigiikhimajut (MOU) tilluriami angiklirtiriamilu akhuuqhimajangit havaqatigiiktut atauttimut ihuuluutauninganit ihivriuhijut uvani Kanata'm Qulvahiktumi. Katimajit, nautkaqhimajut uvuuna malittiaqhugit nunat nanminiqutingit piliriakhat, aturluaquhit ikajuqhimajut ihuarijamingnit aturluarijangillu ihivriurningit haffumani havaat ihumagijaulluarijaanit ilangit kigligutaanit ihuuluutauhimaningit. Katimajit nakuuqpiagtumik havaqatigiikhimajut attauttimut ukunani havaarijaunngittumik inikhautikhangit ilagijaujut Aviktuqhimajumi Parnautigiikhimajunut Nunat Avatikhangit Ihivriurningit.

Una NIRB unalu Avatilikiyin Katimayin atiliuqhimajangit Kangiqhidjutaujuq Angiqatigiikhimajut uvani 2004 unalu 2013. Una nutaannguqtiqhimajangit Kangiqhidjutaujuq Angiqatigiikhimajut angiklitiqhimajut atuqhimajainnit hakugingningit tamarmik timinganit ilagiiktuniglu ukunanngat malruujuk unalu havaarijaujut humiliqaak hamna Katimajit havaqatigiikhutik ajurnaittumik, aulapkaivlutiglu, unalu/uuminngaluuniit havaqatigiittiaqhutik. Una nutaanngutiqhimajut Kangiqhidjutaujuq Angiqatigiikhimajut hivunikhautigijaat:

- naiglinahuaqhugit aadjiliugainit qaliriiqhutik iluani Katimajit ihumagijaulluarijaat piliriakhat,
- ikajuqhimavlugillu tuullirnaittumik qimilruqhimajait havaat ihumagijaavlutiglu ilangit kigligutaanit ihuuluutauhimajut,
- avvautigiiglutik avatikhangit unalu
- ikajuqhimalugillu inikhautiliuqhimajut ukunanngat Katimajit.

Tamarmik Katimajit niriugivlutik havaqatigiigiami malikhugit havaarijaujukhanut haffumani nutaangujuq Kangiqhidjutaujuq Angiqatigiikhimajut.

Uqauhiit:

“Una NIRB aliahuktut havaarijumajavut hivuanilu pivallialutik ilaqatigiiktavut ukunanngat Mackenzie Valley Avatilikiyin Katimayin. Uvuuna ihumagijaulluaqtavut piliriakhat nalunaiqhiiugillu nunaliit, malruk Katimajit pivalliahimavlutik pinnaqtumik qaujijajainnit inikhangillu taimaa qanilrukkut ikajuutaujukhat puqtuhimajut nakuuqpiagtumik pidjariktumik ihivriurningit. Quviahuktugut avvautigijaami una Kangiqhidjutaujuq Angiqatigiikhimajut niriurivlutalu havaqatigijumajavut Avatilikiyin Katimayin.”

Kaviq Kaluraq

Ikhivautalik, Nunavumi Avatilikiyin Katimayin

“Una Avatilikiyin Katimayin quviahuktut taimaattaug atiliuqhimajaat ukunanngat Kangiqhidjutaujuq Angiqatigiikhimajut ukunanilu Nunavumi Avatilikiyin Katimayin. Malruk katimajiiqput aullaqtiraaqhimajaujut qangaraaluk tamarmik avaliittumik unalu inikhaliuqhutik havaqatigiikhutik. Niriugihimajavut hivumuurumavluta atauttimut arlingnaqtumik havaqatigiluta Qulvahiktumik

inikhautikhangit uvunga avatiliqiniq ihivriurningit iluani Mackenzie Valley unalu Nunavut ikajuqhimainnarlugit qulvahikturmiut unalu tamainnut Kanatamiunut.”

JoAnne Deneron

Ikhivautalik, Mackenzie Valley Avatilikiyin Katimayin

Una NIRB timiujuvluni kitunuliqaak kavamaujuq nautkaqtauhimajuq ukunanngat *Nunavut Angirutaa* ihivriuhimagiami ihumagijaujuq ihuuluutauhimajut tukhiutauhimajunut havaat Nunavut Nunataarviup Iluani uvunga angiqhimajajunut havaaq aulattittihimangingit. Una Katimajit nautkaqhimajaat munaqhaivlutik piliriakhat havaat angiriiqhimajajut aullaqtiriangani. Tigumiarianganit hulidjuhiit, hivullitigijaat hivunikhainit haffumani NIRB malikhimajakhaat qautamaat hapummijaujukhat ikajuqhimainnarlugillu itqumajajut hivunikhangit inuuttiarnikkut nunamiuqatigiiktunut nunaliillu uvani Nunavut Nunataarviup Iluani, hapummilugillu nunat avatiqatigiiktunut tamainnullu haffumani Nunavut Nunataarviup Iluani. Una NIRB munattiaqtakhangillu inuuttiarningit nunamiuqatigiiktunut Kanatami hilataanirmiutajut haffumani Nunavut Nunataarviup Iluani.

Una Qimilrurningit Katimajit avaliqanngittuq munaqtiqatigiiktut katimajit munarijakhaat haffumani nunat avatikhangit ihuuluutauhimajut ihivriurningit piliriakhat uvanilu Mackenzie Valley. Una Qimilrurningit nautkaqtauhimajut uvuuna *Mackenzie Valley Avatikhangit Munaqtiunirnut Maligaaq* nautkaqtauhimajut uvanngat nunat nanminiqutainit Nunatsiarmi iluani. Una *Maligaaq* avatikhaliurjuaqhimajaat uvunga Nunaqaqaqhimajunut inuit haffumani Mackenzie Valley hivitujumik niplautigilaaqtangit avatikhanut munaqtiunirnut.

Turaarutaat:

Karen Costello

Tukimuaqtitti

Nunavumi Avatilikiyin Katimayin

kcostello@nirb.ca

867-983-4608

1-866-233-3033

Mark Cliffe-Phillips

Tukimuaqtitti

Mackenzie Valley Avatilikiyin Katimayin

mcliffephillips@reviewboard.ca

867-766-7055

867-445-3423
